

8. I GEH MEIN WEG

Mei Muada hot gsgot - pass auf auf dei Leb'm
rauch net und sauf net - dann wirts da besser gehen
owa i woa jung und dumm - und hob glaubt nix bringt mi um
jetzt renn in umanand - mit da Floschn in da Hand

i gib mei letztes Göd aus für mein nächsten Rausch
mei Muada sogt: „Schau di au - as Leb'n zöht di aus!“

Mei Voda hot gsgot - loss da Zeit
der schnöllste Weg is net immer des Beste -
wer genau schaut - der is gscheid
owa i hob nix gebm - na, i hob nix gebm auf sein Rot
und hob die Erschte gheirat - de wos mi zuwilosn hot

i wüll ois hobm - und am bestn glei
owa so schnö kanst net schau'n is die Hetz vorbei

Mei Oide sogt immer - jo de redt in aner Tour
Moch des - moch des net - heast du huachst ma nie zua
du host zwa linke Händ und nie mochst wos gscheit
und schau mi net so an - wäu für des hob i jetzt ka Zeit

i bin verheirat mit an Brock'n Eis
den zagst ma, der do net drauf schießt

Oiso geh i zum Psychiater - und dazöh eam vo mein Leiden
der sogt: schenier di net - ois kann ma heiln
du host a Problem mit deine Muada - des mocht di krank
du host mei Rechnung und jetzt leg di her do auf mei Bank

i sog: „Kana derf über mei Muada so redn!“
oiso hob i eam ane in die Goschn gebm

Dann geh i zum Pforra - huach da an wos ma der dazöht
glaub an Gott - dann gehts da guat in dera Wöd
fang an zum Beten - dann is jeder Tog a guada Tog
owi auf die Knia - und vagiss net den Opferstock

do kauf i ma liaba a Floschn Wein
und wosch mi söwa vo meine Sünden rein

A jeder dazöht ma - wos i mochn sui
owa i hob vo eich scho laung die Schnauzn vui
i moch wos i wü - geh mein eigenen Weg
oft bin i scho gstaipat und dann lieg i im Dreck

owa i steh wieder auf - wissts wos? - i steh auf mei Leb'm

für mi wirts immer nur mein eigenen Weg gebm

i wir immer nur mein eigenen Weg gehn

i wir immer nur mein eigenen Weg gehn

9. WENN'S HAAS IS

Hob i am Wochenend frei oder gor amoi Urlaub
dann was i genau wos i jetzt vurhob
do foahr i ins schenste Land, des i nur kenn
owi noch Kärnten zu die Berg und die Seen

I hob ka Harley Davidson und kan Porsche
owa des is ma egal - bitt di gor schee
I kumm hoit mit mein Golf, oder mit meiner Vespa
und triff durt meine Briada und meine Schwestern

Refrain:

**Wenn's haas is - und die Sun brennt vom Himmel
dann waas i - so guat geht's ma nie mehr
do gibts nur an Plotz auf den i wirklich steh
do foahr i noch Kärnten und spring in nächsten See**

Kärnten is a Land, da kanns da nur guat gehn
Den Tog über sporteln und auf'd Nocht kannst dann furt
gehen, Wasserschie foahrn, die Berg aufe kraxeln, die Nocht
durchtanzen - a fesche Kärntnerin - am Buckel kratzen

Die Leit san freindlich, nett und gerecht
nur manchmoi vesteht mas schlecht



Refrain

Es gibt no an Grund, warum i gern her foahr
do gibts die schensten Frauen, des is eh kloar
wäu in an Land wo die Sun immer scheint
wüh ma nie lang allanich sein

Es gibt die schensten Hotels und des beste Essen
jeder hot Zeit, kana losst si stressn
und wenns dann koid wird und da Summer sogt adé
gfrei i mi scho am ersten Schnee

Refrain:

**Wenn's koid wird und da Schnee foid vom Himmel
dann waas i - so guat geht's ma nie mehr
do gibts nur an Plotz auf den i wirklich steh
do foahr i mit meine Schi durch n Kärntner Schnee**

10. IM KRAS

drei moi umadum
geh her do, Schatzl kumm
tanz mit mir im Kras
damits jeder was
mia zwa, mia ghean zamm
du die Frau i da Mann
hoit di fest wenn i di drah
damits di net ausse waht

immer schnölla drahn ma uns
und mia gehm so richtig Schwung
um die Mitten hoit i di
und am Hois hoitst du mi
do kenn ma uns in d'Aug'n schau'n
und wenn ma uns traun
werdn ma uns a Busstl gebm
so dass olle sehgn

jetzt is boid die Musik aus
und des Drahn heat si auf
wenn ma dann stehen bleibm
wean ma schwindlich sein
darum hoit ma uns ganz fest
wäu dann draht si nur da Rest
und mia zwa bleim stehn
jo so wiads gehen

© chilifish 2016 | Recorded by Kurt Richter im Musikzimmer Wien
Mix & Mastering: Patrick Flo Macheck, WunderBros | Fotos: Suzy Stöckl

www.chilifish.at



[frotg'z uns]

1. NOCKAD ÜBER D'WIESN LAUFEN

Nockad über d'Wiesn laufen
unnädige Sochn kaufn
werf ma ollas übern Haufen
wäu mia wuin frei sein
und überoi dabei sein
wos uns gfreit
wäu mia spühn die erste Geign
des is des wos und autreibt
immer nur die Ersten sein
und nie die Zweiten
ollas Neiche ausprobieren
und immer bereit sein
für a neiche Idee
oder an neichn Schmäh
unsere Stimmung is immer auf da Heh

Refrain:
Loss uns lochen, tanzen, springen
loss uns pfeifen, loss uns singen
in da Wiesen liegen und dann
auffe in die Wuiken schauen

Und wenn ma dann furt gehen
loss ma unsas guat gehen
nur die besten Sochn essen
ollas aundere kannst vagessn
wäu mia wuin uns net dastessn
aufm Weg zur Ewigkeit
unser bester Tog is heit
wissen des scho olle Leit
wo is eicha Heiterkeit

huits as ausn Kastl viara
wäu mia wuin heit tanzen
und do kenn ma kan Scheniera
Nimm mi bei der Hand
mia drahn uns um die Wöd
mia hobm unsan Spass heit
des is ois wos zöht

Refrain

Spann deine Flügel auf und fuh di frei
Fliag afe in die Wuiken, i bin a dabei
wer mit uns fliagt der hot a guade Zeit
kummts olle mit, es is net weit, gor net weit

Wenn du dann an andern triffst
der so richtig nett is
und vor lauter reden
vergisst wo des Bett is
die Luft voller Konfettis
und mir feiern jeden Tog
Sachertorten mit Schlog
des is so wiar is mog
Du gfoist ma besonders guat
darum mecht i di druckn
mein Sessel zuwiruckn
dei Lochn verschluckn
i wüh bei dir hucken
bis zum Ende der Zeit
oder wenigstens heit
wenns di gfreit

Refrain

2. FROGT'S UNS

Refrain:

Frogt's uns - wäu mia wissen ois bessa
- mia san gressa, wia da Rest der Wöd
Frogt's uns - mia kennan eich sogn wos laung
geht - wenna nimma weida wissts
und irgendwo anstehts
Frogt's uns - wenna wissen wuits wann und wo -
warum, woher, wie lang, wieso
Frogt's uns - wäu mia hobm immer wos zum sogn
- so wüh kennst gor net frogn

wo is da Anfang - wo is des End
wo is die Hosn - wo is des Hemd
wo is da Mann - wo is die Frau
wo gehts jetzt hin - wohin genau
wo is des Göd - wo is die Lust
wo is da Spass - und wo da Frust
wo is da Himmel - wo is die Höll
do is die Ausfoart - jetzt owa schnö

Refrain

wo - wo is die beste Stö für uns auf dera
schenen Wöd
und wann - wann is die richtige Zeit
- wann samma bereit - wann is soweit
wer - wer is so frei - wer bleibt daham und
wer is dabei
warum - warum nur i - warum gehn ma duat
net olle hin

Wann bleibm ma do und wann gehn ma fuat
wos hoit uns no und wos find ma duat
woher kummt des ois und wohin wird des fian
wia lang werd ma bleim und wia vüh werd ma kriagn
wie vüh wiß ma jetzt und wie oid werd ma werd
wos werd ma no wissn, wenn ma dann sterbm
und wenn ma dann tot san wo gehn ma dann hin
und bin i dann allanich duat, wo i dann bin

Refrain

4. MENSCH

Wia a Esl ertrogst du olle Schläg
jede Watschn steckst du weg
dabei bist stur und gehst kan Meter weida
egal obs a Föhla oda gscheid war

wia a Hund kannst du di verbeissen
losst net locker wo die andern längst drauf schießen
aufgeben – des derf net sein
a wenn olle rund um di auf der Strecken bleim

Refrain:
owa wäu du ka Hund bist sondern a Mensch
host as söwa in da Hand wia die Leben rennt
moch net so weida – des tuat da net guat
du kannst di ändan – a wenna manchmoi weh tuat

wia a Kua schaut überoi nua zua
nur net aufmuckn – du bist da söwa gnuat
du host a dicke Haut und jede Fliang wird verscheicht
so kummts dass a nix dei Herz erreicht

wia a Kotz gehst jedem ausn Weg
wer di net streichelt wird di a net sehng
du bist da söwa gnuat – für die Andern scheint ka Liacht
wennst du in Spiagl schaut, gfoit da wos du siachst

Refrain

wia a Hendl rennst du hin wo olle aundan hin wuin
huist da dei Zeig wos olle aundan huin
dabei sein is dei greßtes Glick
Hauptsoch is - du vapsast nix

wia a Hamster rennst du in dein Radl
wenn da Tog aus is dann zittern da die Wadln
du nimmst da ka Zeit zum Verschnaufen
du muast den ganzen Tog nur laufen, laufen

Refrain

6. ZUM WOARTN KA ZEIT

du sogst ma immer - loss da Zeit
woart a bissl, es is no net so weit
gut Ding braucht Weile - owa wos is daran schlecht
dass i die guadn Dinge sofort hobm mecht

Refrain:
vielleicht is heit da letzte Tog von mein Lebhm
darum mecht i jeden Tog mei Bestes geben
morgen is vielleicht ollas scho vorbei
darum hob i zum Woartn ka Zeit - zum Woartn ka Zeit

du sogst du wast net - suist du mit mir gehen
du sogst du brauchst no Zeit zum Überlegen
owa i wü di heit auf d'Nocht scho bei mir gspian
wäu i hob ka Zeit zum Verlieren

Refrain

so kannst net reden - besser is du hoitst di zruck
manchmoi is es a ganz guat wenn ma si buckt
i sog wiar is wü - hobt 's mi doch olle gern
moargn werd 's von mir vielleicht scho goar nix mea
hean

Refrain

du host ka Zeit - du muast no schnöll wos fertig mochn
z'erscht kummt die Hockn, vielleicht host morgen Zeit
zum Lochn
i loss mas heit scho guat gehn - für morgen hob i kan Plan
wos du heit mochst - noch dem wird morgen ka Hahn
mehr krahn

Refrain:
Irgendwann is a do - da letzte Tog von mein Lebhm,
darum mecht i ma nix - für später aufhebhm,
ich mecht net warten - lebhn tua i heit
darum hob i zum Woartn ka Zeit - zum Woartn ka Zeit

chilifish